

## **IBARRAKO UDALAREN ETA GIMNASIA ERRITMIKOKO BELABIETA KIROL KLUBAREN ARTEKO LANKIDETZA HITZARMENA.**

Ibarrako udaletxean, 2022ko uztailaren 6an.

### **ELKARTURIK**

**Alde batetik**, Igor Zapirain Lizarribar, Ibarrako Udaleko Alkate-Lehendakaria, Ibarrako Udaleko Idazkari Eider Esnaola Carrerak lagunduta.

**Eta bestetik**, Laura Navascues Angulo andrea, 44171175C NAN zenbakiduna, Gimnasia erritmikoko Belabieta kirol klubeko lege ordezkaria. Elkartearen egoitza soziala: Ibarrako San Bartolome, 21 behean, IFK: B20582805.

### **ESKU HARTZEN DUTE**

**Lehenengoak**, Ibarrako Udalaren izenean eta ordezkaritzan, Toki Araubidearen Oinarriak arautzen dituen apirilaren 2ko 7/1985 Legearen 21.1.f) artikulua xedaturikoaren arabera.

**Bigarrenak**, Belabieta Kirol Klubaren izenean eta ordezkaritzan, lehendakari gisa, 2018ko otsailaren 27ko Eusko Jaurlaritzako Jarduera Fisikoaren eta Kirolaren zuzendariak bere ebazpenean jasotakoaren arabera.

Bi aldeek Hitzarmen hau egiteko behar adinako legezko gaitasuna aitortzen diote elkarri, eta ondorio horretarako

### **AZALDU DUTE**

I.- BELABIETA KIROL KLUBAK 2022ko otsailaren 2an Udal honetan aurkeztutako idatziaren bidez —sarrera erregistro zenbakia 584 —, dirulaguntza proiektuen eta jardueren memoria aurkeztu zuela, Ibarrako Udalaren Dirulaguntzen Ordenantza Orokorrak xedatutakoarekin bat etorritik. Memoria honek 36.000 euroko aurrekontua du, dirulaguntza eskaeraren helburu diren ondorengo jarduerak gauzatu ahal izateko, eta laguntza hori hitzarmen honen bidez emango da. Jarduerak:

1. Ibarrako Belabieta kiroldegian txapelketak eta topaketak antolatzea:
  - A eta B mailako amateur kategoriakoak
  - Kurtso amaierako jaialdia.
2. Eskola eta amateur mailan beste txapelketa hauetan parte hartzea:
  - a. Gym eta Dance topaketa
  - b. Benjamin topaketa (Hernani eta Donostia)
  - c. Udaberri torneoa (Donostia eta Tolosa)



**IBARRAKO UDALA**  
GIPUZKOA · EUSKAL HERRIA

- d. Gipuzkoako eta Euskadiko txapelketak (zehaztu gabe)
  - e. Torneo Oskitxo (Gasteiz)
3. Oinarrizko jubenil taldeak honako torneo eta txapelketetan parte hartzea:
- a. Izar leku (Donostia))
  - b. Gipuzkoako Txapelketa (Tolosa)
  - c. Torneo Ciudad de Vitoria (gasteiz)
  - d. Euskadiko txapelketa (Eibar)
  - e. Torneo Ciudad de Logroño (Logroño)
  - f. Xixili torneoa (Bermeo)
  - g. Torneo Reyno de Navarra (Iruñea)
  - h. Euskalgym (Barakaldo – BEC)
  - i. Espainiako txapelketa (Valladolid)
  - j. Gipuzkoako eta Euskadiko beste txapelketa batzuk, Oinarrizko Koparako sailkatzeko.
4. Prestakuntza eta formakuntza espezifikoa monitore eta entrenatzaileentzat, on line saioak prestatzeko formakuntzak.

II.- Entitateak egunean dituela zerga-betebehar guztiak eta egunean dagoela Gizarte Segurantzarekin.

III.- Entitatea ez dagoela 38/2003 Legeak, azaroaren 7koak, Dirulaguntzei buruzkoak, bere 13. artikuluko 2. eta 3. zatietan dirulaguntzak jasotzeko adierazitako debeku-ausaren baten pean.

IV.- Bere estatutuekin bat etorritik, entitate eskatzailearen xedea bat datorrela hitzarmen honen bidez emango den dirulaguntzaren xede eta helbururekin.

V.- Ibarra Udalaren 2022ko udal aurrekontuan, 1 10.341.02.481.01 2022 partida agertzen dela, nahikoa krediturekin, entitate eskatzailearen dirulaguntza izendunaren kontzeptuaren pean.

VI.- 7/1985 Legeak, Toki Araubidearen Oinarriak arautzen dituenak, bere 25. artikuluan honela dioela: “Udalerrriak, bere interesak kudeatzeko eta bere eskumenen esparruan, auzo-erkidegoaren beharrak eta nahiak betetzen lagundu dezaketen jarduera-mota guztiak bultzatu eta nahi adina zerbitzu publiko egin ditzake.

Hain zuzen ere, Lege horren 25.2 artikulua, udalen eskumenen artean, eskumen hau jasotzen duela: **kirolaren sustapena**. Eskumen hau Udalaren berezko eskumenen artean dago eta Lauburu KE Ibarra elkarteak Ibarra herrian kirola, eta bereziki, areto futbola sustatzea ditu bere helburu nagusien artean.

Era berean, ekainaren 11ko Euskal Kirolaren 14/1998 legearen 2. artikulua Legearen printzipio gidariak zehazten ditu eta horien artean zehazten du, **aginte publikoek**, beren eskumen esparruaren barruan **kirol-politikak** burutu behar dituela, besteak beste, **kirol-elkartek bideratzeko eta sustatzeko** bai eta kirol arloko antolakuntza-egitura pribatuak onartzeko eta babesteko ere.

VII.- Hitzarmen hau ematen dela lege-arau hauen babesean: 40/2015 Legea, urriaren 1ekoa, Sektore Publikoaren Araubide Juridikoarena; 38/2003 Legea, azaroaren 17koa, Dirulaguntzei buruzko lege orokorra eta 887/2006 Errege Dekretua, azaroaren 21ekoa, hura garatzen duen Erregelamendua onartzen duena; eta Ibarako Udalaren Dirulaguntzen Ordenantza Orokorra.

VIII.- Dirulaguntza izendun hau, Ibarako udalak 2020ko otsailaren 18an onartutako Ibarako Udaleko Dirulaguntza Plan Estrategikoan (2020-2023) jasota dago (GAO, 38 zb), dirulaguntza izendun moduan, eta beraz, ez da norgehiagoka prozedurarik egingo dirulaguntza emateko.

IX.-298/2019 Alkate Dekretuari jarriki, dirulaguntza hau eta berori arautuko duen hitzarmena kudeatzeko organo eskuduna Alkatea izango da. Zuriketari dagokionean ere, Alkate dekretu bidez ebatziko da.

X.- Hori dela eta, 2022ko uztailaren 5eko data duen 353/2022 Alkate Dekretu bidez, Belabieta Kirol Klubari 8.000 euroko dirulaguntza emateko hitzarmena sinatzea erabaki zuela.

XII.- Aipatu dirulaguntza hau Dirulaguntzen Datu Base Nazionalean argitara emango da.

Eta ados daudenez, bi aldeek hitzarmen hau formalizatzen dute, ondoren zehazten diren klausulak ezarriz.

## KLAUSULAK

### Lehena.- Xedea.

Hitzarmen honen helburua da Ibarako Udalaren eta BELABIETA KIROL KLUB elkartearen arteko lankidetzarako eremu egonkor bat ezartzea Ibarako udalerraren barruan honako arrazoiengatik:

- Herrian dagoen areto gimnasia erritmikoko klub bakarra delako.
- Herriko gazteen artean jarduera fisikoa sustatzen duelako, bazterkeria alde batera utziz
- Herriko kirolariak beren herrian bertan gustuko kirola egiteko aukera ematen dielako
- Kirol mota honetan progresio bat egiteko aukera ematen dielako herriko kirolariei, txikitari hasi eta heldu izan artean bertan jokatu ahal dutelako



**IBARRAKO UDALA**  
GIPUZKOA · EUSKAL HERRIA

- Futbolean emakumeen presentzia bermatzen duelako
- Herritarren artean zaletasuna sustatzen duelako.
- Ibarrari ospea eta izen ona ematen diolako.

### **Bigarrena.- Diruz lagundu daitezkeen jarduerak.**

Hitzarmen honen eremuan honako jarduera hauek sartzen dira:

1. Ibarra Belabieta kiroldegian txapelketak eta topaketak antolatzea:
2. Eskola eta amateur mailan beste txapelketa hauetan parte hartzea:
3. Oinarrizko jubenil taldeak honako torneo eta txapelketetan parte hartzea:
4. Prestakuntza eta formakuntza espezifikoak monitore eta entrenatzaileentzat, on line saioak prestatzeko formakuntzak.

### **Hirugarrena.- Diruz lagundutako jardueren finantzazioa.**

Ibarra Udalak hartuko du parte hitzartutako jardueren finantzaketan dirulaguntza baten bidez. 2022ko ekitaldian, aurrekontu-baliabide horiek **8.000 eurokoak** izango dira, 10.341.02.481.00 2022 Udal Aurrekontuetako partidaren kargura; dena dela, diruz lagundutako elkarteak beste Erakunde batzuen dirulaguntzak ere jaso ditzake.

Entitate onuradunak aurkeztu duen diruz lagundu beharreko jardueraren aurrekontua, edo hari aurkeztu ondoren egindako aldaketak, erreferentzia gisa erabiliko dira dirulaguntzaren zenbatekoaren azken zehaztapena egiteko, zenbateko hori proiektu edo jardueraren azken kostuaren portzentaje bat bezala kalkulatu da eta inoiz ezingo du emandako zenbatekoa gainditu. Kasu horretan, Ibarra udalak egindako balizko finantzazioaren soberakina kalkulatu da ekarpen horrek kostu osoaren aldean duen portzentajea erreferentzia gisa harturik.

Dirulaguntza hau bateragarri izango da helburu bereko beste dirulaguntza, laguntza, sarrera edo baliabide batzuekin, edozein administrazio edo entitate publiko edo pribatu nazionaletatik, Europar Batasunetik edo nazioarteko erakundeetatik datozenak, kalterik egin gabe honekin batera dauden diren beste dirulaguntzak erregulatzeko araudiak horri buruz agindu dezakeena.

Gerta daitezkeen aldi bereko finantzaketa-kasuak honako baldintza hauek bete beharra daukate:

- a) Emandako dirulaguntzaren zenbatekoak ezin du inola ere gainditu, beste dirulaguntza, laguntza, sarrera edo baliabide batzuekin batera, diruz lagundutako proiektu edo jardueraren kostua.



**IBARRAKO UDALA**  
GIPUZKOA · EUSKAL HERRIA

Muga hori betetzen dela egiaztatzeko, egindako gastu osoa justifikatu behar da eta justifikatzeko kontuak jaso behar du diruz lagundutako jarduera finantzatu duten beste sarrera edo dirulaguntzen zerrenda zehatz bat, zenbatekoak eta beren jatorria adierazita daudela.

b) Finantzazioan soberakin bat gertatuko balitz proiektu edo jardueraren kostuarekiko, onuradunak itzuli egin beharko luke, berandutza-interesekin batera, dagokion justifikazioari ordainketa-gutunak erantsita. Soberakina itzuliko zaie dirulaguntzak eman dituzten entitateei, entitate horietako bakoitzak emandako dirulaguntzen proportzioan.

Hala ere, baldin eta Ibarra udala bada finantzaketa-soberakinaz ohartu dena, exijituko du soberakinaren zenbateko osoa itzultzeko, berak emandako dirulaguntzaren mugaraino.

Dirulaguntzak elkarrekin bateraezinak izateak ez du galaraziko biak eskatzea, bai, ordea, biak batera jasotzea.

### **Laugarrena.- Indarraldia.**

Hitzarmen honek 2021ko irailaren 1etik 2022eko abuztuaren 30era arte izango ditu ondorioak. Emandako dirulaguntza behar bezala erabili dela justifikatu behar zaio Euskara, Hezkuntza eta Kirol departamentuari, Ibarra udalaren dirulaguntzen ordenantza orokorrak III. Kapituluaren xedatutakoaren arabera

### **Bosgarrena.- Dirulaguntza jaso dezaketen gastuak.**

Dirulaguntza jaso dezaketen gastutzat hartzen dira, indarrean dagoen legeriaren eta Ibarra udalaren Ordenantza Orokorraren aurreikuspenen esparruaren barruan, baldintza hauek betetzen dituztenak: batere zalantzarik gabe lagundutako jardueraren izaerarekin bat etortzea; deialdian, hitzarmenean edo emakida-ebazpenean ezarritako epearen barruan egitea; beren eskuraketa-balioa merkatuko balioa baino handiagoa ez izatea; eta, deialdian, hitzarmenean edo ebazpenean espresuki kontrakoa xedatu ezean, justifikatzeko epea bukatu aurretik egiaz ordaintzea.

Bakar-bakarrik onartuko dira dirulaguntza eman edo hitzarmena onartutako urtearen barruan sortzen diren gastuak.

Dirulaguntza jaso dezakeen gastuaren zenbatekoa handiagoa bada kontratu publikoen gaineko legerian kontratu txikirako ezarritako zenbatekoak baino, pertsona onuradunak gutxienez hiru hornitzailearen eskaintzak eskatu beharko ditu. Hori ez da beharrezkoa izango baldin eta, dirulaguntza jaso dezaketen gastuen ezaugarri bereziengatik, merkatuan ondasun edo zerbitzuok egin, eman edo hornitzen dituen hainbeste entitaterik ez badago, edo gastua dirulaguntza eskatu baino lehen egin bada. Alderdi horiek ziurtasun osoz justifikatu beharko dira.



**IBARRAKO UDALA**  
GIPUZKOA · EUSKAL HERRIA

Aurkeztutako eskaintzak aurkeztu behar dira edo justifikazioan edo, hala badagokio, dirulaguntzarako eskabidean. Proposamen ekonomikorik onena aukeratzeko ez denean, espresuki justifikatu behar dira, memoria baten bidez, erabili diren irizpideak.

### **Seigarrena.- Dirulaguntzaren justifikazioa.**

Dirulaguntza emateko egintzan aurreikusitako baldintza eta helburuak betetzearen eta lortzearen justifikazioa egingo da DLOaren 30. artikuluan, DLOaren Araudian eta Ibarra Udalaren IIII kapituluaren dirulaguntzen Ordenantza Orokorren aurreikusita dagoenaren arabera.

Dirulaguntza justifikatuko da «justifikatzeko kontua ordainagiriak aurkeztuta» izeneko modalitateaz, oro har, honako dokumentazio hau duela:

- a) Jarduera-memoria bat, dirulaguntza ematean ezarritako baldintzak betetzen direla justifikatzeko. Memoria horretan adieraziko da zein jarduera egin diren eta zein emaitza lortu diren, eta, ahal den neurrian, datu guztiak sexuen arabera banatuta aurkeztuko dira.
- b) Egindako jardueren kostua justifikatzeko 1. Eranskina behar den bezala bete.

### **Zazpigarrena.- Dirulaguntzen justifikazioa aurkezteko epea.**

Dirulaguntzen justifikazioa aurkezteko epea 2022ko irailaren 30ean amaituko da.

### **Zortzigarrena.- Ordaintzeko prozedura.**

Dirulaguntzaren ordainketa egingo da, oro har, dirulaguntzaren onuradunak justifikazioa aurkeztu eta organo eskudunak onartu ondoren, beti ere jarduerarengatik eskumenak dituen departamentuak aldeko txostena egin ondoren.

Dirulaguntza bi zatitan ordainduko da: lehena organo eskudunaren erabakiaren jakinarazpenarekin batera eta Ogasunarekiko eta Gizarte Segurantzarekiko betebeharrak egunean dituela ziurtatzen duten agiriak aurkeztutakoan, honen zenbatekoa dirulaguntzaren %70a izango da, eta gainontzeko %30a, egindako gastua justifikatzen duen kontua Alkate dekretu bidez onartutakoan.

Betebeharreko baldintza izango da Ibarra Udalak aurretik emandako dirulaguntzen justifikazio dokumentazio osoa aurkeztu izana, beste dirulaguntza berri batean parte hartu ahal izateko.

Ordainketak Dirulaguntzen Datu Base Nazionalari jakinaraziko zaizkio ordaindu eta hurrengo hilabetea bukatu aurretik.



**IBARRAKO UDALA**  
GIPUZKOA · EUSKAL HERRIA

### **Bederatzigarrena.- Diruz lagundutako jardueraren publizitatea.**

Entitate onuradunak diruz lagundutako jardueren publikotasuna zabaltzeko neurriak, diruz lagundutako objektuarentzat egoki direnak, dela beren forman, dela beren iraupenean, nola baitira, esaterako, karteletan, plaka oroigarrietan, inprimatutako materialetan, baliabide elektroniko edo ikus-entzunezkoetan Ibarako udalaren irudi instituzionala edo beraren finantzaketa publikoari buruzko legendak sartzea, edo hedabideetan aipamenak egitea, eta hori dena beste finantzaketa-iturri batzuei emandako garrantzia berdinarekin.

Dirulaguntza jasotzen duen erakundeak konpromisoa hartzen du Ibarako Udalak beharrezkotzat eta interesgarritzat jotako gizarte-, hezkuntza-, kultura- eta jolas-ekitaldietara joan eta bertan parte hartzeko.

### **Hamargarrena.- Euskararen erabilpena.**

Ahozko informazioa (megafonia...) eta idatzizkoa (kartelak, oharrak...) euskaraz edo elebitan egingo dira, eta azken kasu horretan euskarari lehentasuna emanda, Ibarako Udalean eta Udalerrian euskararen erabilera normalizatzeko Udal Ordenantzak xedatzen duen bezala. Euskaraz egingo dira ekintzaren izaerak edo hartzaileen berezitasunek hala eskatzen badute.

### **Hamaikagarrena.- Genero berdintasuna.**

Dirulaguntzaren onuradunak ezingo dute inolako laguntzarik jaso honako kasuetan:

- Pertsona fisiko edo juridikoak baldin eta beren xede edo helburuak, aukeratzeko edo sartzeko sistema, funtzionamendua, ibilbidea, jarduera, antolamendua edo estatutuak emakumeen eta gizonen aukera-berdintasuneko printzipioaren kontrakoak badira.
- Sexu edota hizkuntza sexista erabiltzen duten pertsona fisiko edo juridikoek.
- Sexuaren ziozko zigor administratibo edo penala jaso duten pertsona fisiko edo juridikoak, ezta Emakumeen eta Gizonen Berdintasunerako 4/2005 Legea dela-eta hala zigortuta daudenak ere.
- Emakumeen eta Gizonen Berdintasunerako 4/2005 Legean edo Emakumeen eta Gizonen berdintasun efektiboari buruzko martxoaren 22ko Lege Organikoan xedatutako obligazioak betetzen ez dituzten entitate edo enpresak.
- Aukeratzeko prozeduran edo funtzionamenduan sexuaren ziozko bereizketaren bat egiten duten elkarteak.

### **Hamabigarrena.- Iraungitzea.**

Hitzarmen hau iraungiko da Sektore Publikoaren Araubide Juridikoaren 40/2015 Legearen 51. artikuluan zehaztutako kasuetan.

### **Hamahirugarrena.- Kontrol eta jarraipena.**

Hitzarmen honen finantza kontrola pertsona edo entitate onuradunei egingo zaie, edo hala badagokio, erakunde kolaboratzaileei. Finantza kontrola Ibarako Udalaren Diru-laguntzen Ordenantza Orokorraren 48. eta 49. artikuluetan xedatutakoari jarraiki egingo da.

Hitzarmen honen onuradunak behartuta daude kontrol finantzarioa egiten duten funtzionarioei lankidetzeta eskaintzera eta horretarako eskatzen zaizkien agiriak eta beharrezko informazioa eskuratuko diete.

Jarraipen eta kontrol prozesu horretan hitzarmen honetako baldintzak ez direla betetzen ikusten bada, beharrezko neurriak hartuko dira diru itzulketa egin dadin, eta kasua bada, emandako diru-laguntza kobratzeko eskubidea galduko da.

### **Hamalagarrena.- Lan eta zerga legeria.**

Diruz lagundutako elkarteak bete beharko du, bere jarduera gauzatzean, indarrean dagoen legedian ezarritakoa, bereziki zergei, lan-harremanei, Gizarte Segurantzari edo horren aplikaziotik eratortzen den guztiari dagokienean.

### **Hamabosgarrena.- Izaera administratiboa.**

Hitzarmen honek izaera administratiboa du. Beraz, bere klausulek eta bere kasuan aplikatzekoa den legediak arautzen dute.

### **Hamaseigarrena.- Erantzukizunpeko adierazpena.**

Ibarako Udalaren dirulaguntzen Ordenantza Orokorraren 6 artikuluan xedatutakoaren arabera, DLOren 13.2 artikuluan ezarritako onuradun izateko debekuetan erortzen ez delako egiaztapena egingo da notario baten edo funtzionario publiko baten aurreko erantzukizunpeko adierazpen baten bidez.

### **Hamazazpigarrena.- Gainerako legeria.**

Hitzarmen honetan araututa ez dagoenean, bete beharko da honako lege-arau hauetan xedatutakoa: 40/2015 Legea, urriaren 1ekoa, Sektore Publikoaren Araubide Juridikoarena; 38/2003 Legea, azaroaren 17koa, Dirulaguntzei buruzkoa eta berau garatzeko Erregelamendua onartzen duen 887/2006 Errege Dekretua, uztailaren 21ekoa; eta Ibarako Udalaren dirulaguntzen Ordenantza Orokorra.

### **Hemetzortzigarrena.- Izaera pertsonaleko datuak.**

Izaera pertsonaleko datuak arautzen duen legeriak agintzen duenari jarraituta, bi aldeek konpromiso hartzen dute indarrean dagoen legerian xedatutakoa, aplikatu daitekeen guztian, beteko dutela.



**IBARRAKO UDALA**  
GIPUZKOA · EUSKAL HERRIA

### **Hemeretzigarrena.- Baimentzea.**

Entitate onuradunak espresuki ematen dio baimena Ibarra Udalari, edozein momentutan eta edozein Administrazio edo Erakunde Publikotatik zuzenean eskura ditzan hitzarmen honen bitartez eskatutako dirulaguntza lortzeko ezinbesteko baldintzak betetzen direla egiaztatzeko behar diren datuak.

### **Hogeigarrena.- Gardentasun Ataria.**

Hitzarmenaren testua argitaratuko da Gardentasun atarian eta Udaletxeko Iragarki taulan.

Eta ados daudela adierazteko, hitzarmenaren hiru ale izenpetzen dituzte bi aldeek, nire aurrean eta goiburuan aipatutako toki eta egunean; Idazkaria naizen honek fede ematen dut

**ALKATEA**

**Igor Zapirain Lizarribar**

**BELABIETA KIROL KLUBA**

**Laura Navascues Angulo**

## 1. ERANSKINA

### JUSTIFIKAZIO EKONOMIKORAKO EREDUA

#### A) SARREREN JUSTIFIKAZIOA

Azalpena	kopurua
<b>SARRERAK:</b>	
Proiektuaren berezko diru -sarrerak: _____ ( Onartu den guztia, ez bakarrik ordaindutakoa)	€
Erakunde pribatuen dirulaguntzak: _____ ( Onartu den guztia, ez bakarrik ordaindutakoa)	€
Ibarrako Udala dirulaguntzak: ( Onartu den guztia, ez bakarrik ordaindutakoa)	€
Gipuzkoako Foru Aldundiaren laguntza ( Onartu den guztia ez bakarrik ordaindutakoa)	€
Eusko Jaurlaritzaren laguntza ( Onartu den guztia, ez bakarrik ordaindutakoa)	€
Beste erakunde publiko baten laguntza _____ ( Onartu den guztia, ez bakarrik ordaindutakoa)	€
Beste batzu: _____	€
<b>GUZTIRA SARRERAK</b>	<b>€</b>
<b>SARRERA AURREIKUSPEN HONETATIK ZE KOPURU DAGOEN ORAINDIK JASOTZEKO</b>	<b>€</b>
<ul style="list-style-type: none"> <li>- Ibarrako udala</li> <li>- Gainontzekoak</li> </ul>	

#### B) GASTUEN JUSTIFIKAZIOA

**Taula orokorra**

Azalpena	kopurua
<b>GASTUAK DENERA, MOTAREN ARABERA</b>	
Pertsonal kontratuak denera	
Asistentziagatiko ordainagiriak denera	
Fakturak denera	
Tiketak erosketak (20 eurotik beherakoak) denera	
Beste administrazioetako erreziboak denera	
Tiketa, elkarteen lokalen erabilerarena	
Kilometrajea denera	
<b>Zeharkako gastuak</b>	
<b>GASTUAK GUZTIRA</b>	





**IBARRAKO UDALA**  
GIPUZKOA · EUSKAL HERRIA

--

### TAULAREN ARGIBIDEAK

Jarduerak eragindako gastuen zerrenda sailkatua betetzerakoan honako datu hauek zehaztu beharko dira:

1. Mota: Agiri mota: Nomina, Asistentzia ordainagiria, Beste administrazioko erreziboak, Faktura, gastu tiketa ( 20 euro arte), elkarteko tiketa, edo kilometrajea.
2. Zenbakia: Faktura edo tiketa bada
3. Data: kasu guztietan
4. Igorlea jarri behar da: Faktura, errezibo eta Tiketetan, horiek burutzen dituen, eta Hartzailera jarri behar da nomina eta ordainagiritan, lana edo prestazioa burutu duen pertsona.
5. IFK edo NAN.
6. Kontzeptua: gastuaren objektua
7. BEZ-a: Faktura eta Tiketen kasuan.
8. PFEZa: Nomina, ordainagiri kasuan eta autonomoen fakturretan.
9. €: Dirulaguntza -eskatzaileak ordaindu behar izan duena.
10. Guztira: Kontzeptu guztien batuketara

Aipatutako erakundearen ordezkari legala naizen aldetik, honako hau
---

<b>Adierazten dut:</b>
------------------------

Eranskin honetan jasotako datuak egiazkoak direla, bertan jasotako ordainketak eginda daudela, deialdi honetako 13. Artikuluak ezarritako betebeharrak betetzen ditudala eta, nolana ere, prest nagoela Ibarra Udalaren esku jartzeko jasotako dirulaguntza behar bezala erabili dela egiaztatze beharrezkoak diren agiri guztiak.
--

<b>Arduradunaren sinadura eta erakundearen zigilua :</b>
--

XXXXXXXXXXXXXX

**Izena Abizenak.....XXXXXXXXXXXXXXXXXXXXXXXXX.....**

Lekua eta data: .....n, 2020ko .....ren .....an
---

<b>LEGE-OHARRA</b>
--------------------

Datu Pertsonalak Babesteari buruzko abenduaren 13ko 15/1999 Lege Organikoarekin eta Datu Pertsonaletarako Jabetza Publikoko Fitxategiei eta Datuak Babesteko Euskal Bulegoa Sortzeari buruzko otsailaren 25eko 2/2004 Legearekin bat etorriz, deialdi honen tramitazioan jasotako datu pertsonalak, parte-hartzaileek erabiltzea eta argitaratzea baimenduko dituztenak, fitxategi batean jasoko dira. Fitxategi honen helburua deialdi honetako dirulaguntzak eta deialdi honekin zer ikusia duten beste edozein prozedura edo espediente administratiboa kudeatzea izango da, eta baita deialdi honetara aurkezten diren pertsonen deialdiaren garapenari buruz informatzea ere. Fitxategi honen arduraduna Ibarra Udala da. Lege horretan adierazitako sarbide, zuzenketa, ezabatze eta aurkatze eskubideak erabiltzeko Kultura Sailera jo beharko da, helbide honetara: Euskal Herria kalea 44, 20400-Ibarra.
---



**IBARRAKO UDALA**  
GIPUZKOA · EUSKAL HERRIA

## 2.-ERANSKINA ALTA HIRUGARRENEI



**IBARRAKO UDALA**  
(Gipuzkoa)  
Euskal Herria

5

### Ordainketak bideratzeko datuak

#### DATUEN ALTA / HIRUGARREN INTERESDUNA ALTA DE DATOS / TERCERO INTERESADO

##### A HIRUGARRENA IDENTIFIKATZEKO DATUAK DATOS IDENTIFICATIVOS DEL TERCERO

(1) NAN/NFE  
DNI/NIF .....

(2) Izena eta bi abizenak / Societatearen izena  
Nombre y dos apellidos / Razón Social .....

Herbidea  
Domicilio .....

Posta kodea Herria  
Código postal .....

Herraldia Población .....

Herrialdea  
País .....

##### B BANKUAREN DATUAK DATOS BANCARIOS

(1) Bankua Banco     .....

(2) Agentzia Agencia     .....

(3) ID DC   K/kontua C/Cuenta

(4) Jabea Titular  
OHARRA: Kontu korrontea (jabeak ezáin hirugarren bera bera da ban.  
NOTA: El titular de la cuenta bancaria tiene que ser el mismo que el tercero interesado.

**C** Bankuaren adostasuna  
Conforme banco

Sinadura eta zigila  
Sello y firma

**D** Hirugarrenaren adostasuna  
Conforme tercero

Sinadura eta zigila  
Sello y firma

**E** Sell edo Erakundearen onepena  
Vº Bº Dpto. u Organismo

Beharrezko sinadura eta zigila  
Sello y firma autorizada

Data / Fecha

ESKUE302666ff-2639-4496-a1c1-c9545ea6e5bb

## 3.-ERANSKINA



**IBARRAKO UDALA**  
GIPUZKOA · EUSKAL HERRIA

## ASISTENTZIAGATIKO ORDAINAGIRI EREDUA. KIROL EKIMENAK

ELKARTEA:		IFZ:	
-----------	--	------	--

IZENA:		NAN:	
--------	--	------	--

DATA	JARDUERA	TOKIA	KOPURUA

DENERA HILEKO / KURTSOKO	
--------------------------	--

Elkartearen sinadura

Jasotzailearen sinadura

## ERANSKINA 4

### ASISTENTZIAGATIKO ORDAINAGIRI EREDU OROKORRA EKIMENAK

ELKARTEA:		IFZ:	
-----------	--	------	--

IZENA:		NAN:	
--------	--	------	--

DATA	JARDUERA	TOKIA	KOPURU GORDINA	% 15 PFEZ	JASOTAKOA ZUZENEAN

<b>DENERA HILEKO / KURTSOKO</b>	
---------------------------------	--

Elkartearen sinadura

Jasotzailearen sinadura

## ERANSKINA 5

### GARRAIO GASTUEN JUSTIFIKAZIO EREDUA

ELKARTEA:		IFZ:	
-----------	--	------	--

IZENA:		NAN:	
--------	--	------	--

DATA	JARDUERA	TOKIA	KM	KM 0,19 €	KOPURUA
				X 0,19 €	
				X 0,19 €	
				X 0,19 €	
				X 0,19 €	
				X 0,19 €	
				X 0,19 €	
				X 0,19 €	

DATA	JARDUERA	TOKIA	PEAJEA/ PARKINA	KOPURUA

<b>DENERA HILEKO / KURTSOKO</b>	
---------------------------------	--

Elkartearen sinadura

Jasotzailearen sinadura



## Sinaduren laburpena / Resumen de firmas

**Titulua / Título:**

2022WDI10005-Hitzarmena sinatua/Hitzarmena sinatua ()